

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON
MINISTARSTVO ZA PRIVREDU
Broj:04-05-981-2/14
Datum: 17.07.2014. godine.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03), člana 4. Zakona o upravljanju gospodarskim društvima u nadležnosti Bosansko-podrinjskog kantona Goražde („Službene novine BPK“, broj 8/05) i Zaključka Vlade Bosansko-podrinjskog kantona Goražde broj:03-05-845/14 od 20.06.2014.godine, Ministarstvo za privredu BPK Goražde **raspisuje**

**PONOVNI JAVNI OGLAS
ZA IZBOR I IMENOVANJE ČLANOVA SKUPŠTINE
JP „BOSANSKO-PODRINJSKE ŠUME“ d.o.o. GORAŽDE**

1. Objavljuje se javni oglas za imenovanje članova Skupštine JP „Bosansko-podrinjske šume“ d.o.o. Goražde.

2. Opis upražnjene pozicije:

Skupština društva broji ukupno 7 članova.

Skupština društva nadležna je za: donošenje Statuta i izmjeni i dopuni Statuta, donošenju Etičkog kodeksa, povećanju i smanjenju osnovnog kapitala, usvajanju godišnjeg izvještaja društva, načinu pokrića gubitaka, raspodjeli dobiti, promjeni oblika i podjeli društva, spajanju sa drugim društvom i pripajanju drugom društvu, izboru i razrješenju članova Nadzornog odbora, osnivanju, reorganizaciji i likvidaciji, godišnjem obračunu, raspodjeli dobiti i pokriću gubitaka, kupovini, prodaji, razmjeni ili davanju u lizing, uzimanju ili davanju kredita i drugim transakcijama, direktno ili posredstvom supsidijarnih društava, u toku poslovne godine u obimu većem od trećine knjigovodstvene vrijednosti imovine preduzeća po bilansu stanja na kraju predhodne godine, kao i o takvoj transakciji u manjem obimu, za čije odobrenje je nadležan Nadzorni odbor, ako on takvu predloženu transakciju nije odobrio jednoglasnom odlukom, donošenju poslovnika i pravilnika na prijedlog Nadzornog odbora, donošenju odluke o planu poslovanja, drugim pitanjima bitnim za poslovanje društva, u skladu sa Zakonom i Statutom.

3. Mandat

Mandat izabranih članova i predsjednika Skupštine J.P. Bosansko-podrinjske šume d.o.o. Goražde traje 4 (četiri) godine.

Skupština J.P. Bosansko-podrinjske šume d.o.o. Goražde sastoji se od predsjednika i šest članova. Predsjednik se bira iz reda članova Skupštine društva većinom glasova.

Vlada Bosansko-podrinjskog kantona Goražde imenuje Skupštinu J.P. Bosansko-podrinjske šume d.o.o. Goražde na prijedlog resornog ministarstva.

Predsjednik i članovi Skupštine J.P. Bosansko-podrinjske šume d.o.o. Goražde za svoj rad primaju naknadu u skladu sa propisima i naknadama za rad u upravljačkim tijelima.

4. Uvjeti

Kandidat treba da ispunjava slijedeće uvjete:

a) Opći uvjeti

1. da je državljanin Bosne i Hercegovine
2. da je osoba starija od 18 godina i mlađa od 70 godina na dan imenovanja
3. da nije otpušten iz službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja konkursa
4. da se na njega ne odnosi član IX.1. Ustava Bosne i Hercegovine
5. da nije osuđivan za krivično djelo ili privredni prestup koji predstavlja smetnju na imenovanje na upražnjenu poziciju, u roku od 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije
6. da nije lice kojem je presudom suda zabranjeno obavljanje aktivnosti na poziciju za koju se kandiduje
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu člana 5. Zakona o sukobu interesa u institucijama vlasti Bosne i Hercegovine
8. da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH
9. da nije član Nadzornog odbora ili Uprave Društva, niti da ima direktni ili indirektni finansijski interes u Društvu

b) Posebni uvjeti

- da ima završen najmanje VI ili VII stepen stručne spreme
- da posjeduje stručno znanje iz oblasti biotehničkih ili pravnih ili ekonomskih nauka
- da ima najmanje 3 (tri) godine radnog iskustva u struci od dana diplomiranja
- da nije član više od jednog upravljačkog tijela
- da posjeduje stručna znanja vezana za nadležnost i rad Skupštine i način rada organa upravljanja privrednim društvima

Prilikom procjene kvalifikacija i iskustva kandidata uzet će se u obzir i slijedeće:

- sposobnost prepoznavanja, zastupanja i zaštite interesa privrednog društva
- sposobnost za savjesno i odgovorno obavljanje dužnosti u Skupštini preduzeća
- izražena inicijativnost i neovisnost u radu i donošenju odluka
- poznavanje ukupnog zakonodavstva na području djelovanja Skupštine preduzeća
- rezultati rada ostvareni tokom dosadašnjeg rada

Potrebni dokumenti (original ili ovjerena kopija)

Prijave kandidata treba da sadrži: kraću biografiju, kontakt telefon i adresu. Uz prijavu potrebno je dostaviti: uvjerenje o državljanstvu, rodni list, dokaz o stručnoj spremi, dokaz o

radnom iskustvu, uvjerenje o nekažnjavanju i da se ne vodi krivični postupak (ne starije od tri mjeseca), ovjerene izjave da nisu otpušteni iz državne službe kao rezultat disciplinske mjere na bilo kojem nivou BiH posljednje tri godine, izjavu da se na njih ne odnosi član IX tačka 1. Ustava BiH, izjava da nisu u sukobu interesa u smislu Zakona o sukobu interesa u organima Vlasti FBiH i izjavu da nisu u finasijskom ili privatnom sukobu interesa za društvo u koje se nominuju kao izjava da nisu na funkciji u političkoj stranci u smislu člana 5. Zakona o ministarstkim, vladinim i drugim imenovanjima u FBiH.

Podnosioci prijava s kojima se ne stupi u kontakt u roku od osam (8) dana od isteka roka za podnošenje prijava neće biti uzeti u razmatranje u daljem procesu imenovanja.

Svi kandidati koji budu stavljeni na listu za uži izbor bit će pozvani na intervju pred Komisijom za izbor.

Sva navedena dokumentacija mora biti u originalu ili ovjerene kopije.

Kandidati koje nakon intervjua preporučí Komisija za izbor smatrat će se da su najuspješnije prošli otvorenu konkurenciju.

Kandidati koji budu pozvani na intervju dužni su predati Komisiji orginale traženih dokumenata na uvid, odnosno ovjerene kopije.

Javni oglas će biti objavljen u „Službenim novinama Federacije Bosne i Hercegovine“ i dnevnom listu „Dnevni avaz“ i ostaje otvoren 15 dana od posljednjeg objavljivanja.

Prijave sa traženom dokumentacijom ne starijom od tri mjeseca treba dostaviti lično ili poštom na adresu sa naznakom

**„PRIJAVA NA JAVNI OGLAS
ZA IMENOVANJE ČLANOVA SKUPŠTINE
JP „BOSANSKO-PODRINJSKE ŠUME“ d.o.o. GORAŽDE– NE OTVARATI“
MINISTARSTVO ZA PRIVREDU BPK GORAŽDE
Ulica Maršala Tita br. 13. Goražde**

Nepotpune i neblagovremene prijave neće se uzeti u razmatranje.

Goražde:17.07.2014. godine

MINISTAR

Demir Imamović, dipl.ecc.